

Date – 28/05/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

- 1. **India Meteorological Department (IMD) chuan Mizoram, Nagaland, Manipur leh Tripura state ah te naktuk khian Thlipui leh Ruahpui a thawh nat theih avangin fimkhur tura thurawn "Red Alert" warning a tichhuak.**
- 2. **Union Minister of State for Women & Child Development Pi Savitri Thakur chuan Mizorama Sawrkar hmalaknate thlithlai turin ni 3 cham turin vawiin khan Aizawl a rawn thleng.**
- 3. **Cabinet Committee on Economic Affairs chuan Kharif crop chi 14-ah Minimum Support Price tihsan a remti.**
- 4. **JD(U) MP Sanjay Jha-a kaihhruai All-Party Parliamentary Delegation team te chuan vawiin khan Indonesia-a Jakarta khawpui an thleng.**



WEATHER ALERT

India Meteorological Department (IMD) chuan Mizoram, Nagaland, Manipur leh Tripura state ah te naktuk khian Thlipui leh Ruahpui a thawh nat theih avangin fimkhur tura thurawn "Red Alert" warning a pe.

Aizawl Meteorological Centre pawhin a thlirlawk na tichhuakin naktuk hian Mizoramah ruah tam tham tak sur thei dinhmunah a ding a, Meteorological Centre Director Pu Sudheer Kumar Dwivedi a’n Akashvani palai a hriih danin naktuk hian Mizoram pumah ruah a tam dawn a. District hrang hrangah thli leh ruah nasa tak thawk thei anih avangin mipuite pawn chhuak tam lo turin a chah a, mipuite chu fimkhur a, leimin lakah leh thing tla thei lakah fimkhur turin a chah bawk.

(BYTE)

Hemi chungchangah hian Aizawl DC chuan thuchhuah siamin mipuite fimkhur turin a chah a, lei laih lai neite tan, leimin a thlen loh nan hnathawh zawhah uluk taka khuh hul tur a ni a. Tukverh leh kawngkhar nghet taka khar tur a ni a. Mahni ram chhung leimin hlauhawm awm te a ram neitute ten an khuh hul tur a ni a. In chhung rangva thli lak mai theih te thawm that tur a ni.

Thli leh ruah thawh laiin electric khawl zawng zawng OFF vek tur a ni a. Lirthei motor reng reng garage ah him taka 'park' tur a ni a. Mahni in leh lo chhuahsan tur a ni lo a; inchhungah tawm him tur a ni a, chia i tur a ni lo. Tuihawk luankawr bul hnaiah kal loh tur a ni. Thli leh ruah thawh laiin lui ah leh lui hnaih ah tumah kal loh tur a ni a.

Khuarel chhiatna a lo thlen in mahni bialtu Zonal Officer te hnenah chhiatna thlen thu hriattir tur a ni a, engemaw vanga biak tlang theih loh an nih chuan Link Zonal Officer ah report tur a ni.

<><><>

CM

Chief Minister Pu Lalduhoma’n Mizorama Railway Station hrang hrang Hortoki, Kawnpui, Mualkhang leh Sairang a thawktu tur laknaah khawtual mi te duhsak bik turin Railway Minister hnenah rawtna a thlen.

New Delhi-a cham mek Chief Minister Pu Lalduhoma hian nimin khan Railway Minister Pu Ashwini Vaishnaw a kawmnaah rawtna hi a thlen a. Chief Minister chuan Rajdhani Express Service chu Sairang atanga New Delhi thleng tlantir tur leh Howrah Railway Service pawh Sairang atanga Kolkata thlenga tlantir a nih theih nana hma la turin Railway Minister chu a ngen a. Sairang atanga Tripura direct rail service a awm theih nana hma laksak turin a ngen bawk.

Heng bakah hian Sairang Railway station chu India ram hmun danga an kalpui mek ang bawkin world class railway station-a siam turin a ngen a, Railway Reservation Centre leh Parcel Management System din te, Sairang Railway Station-a Railway Internet Service dah ve tur tein a ngen bawk. Union Minister chuan tihhlawhtlin mai theih thil a nih thu leh hma a lo lak ngei tur thu a sawi a ni.

Nimin vek khan Chief Minister Pu Lalduhoma chuan Union Housing and Urban Affairs & Power Minister Pu Manohar Lal-a chenna inah a hmu a, Chief Minister hian, Thenzawla Peace City dinna tur atana Detailed Project Report siamna tur sum cheng vaibelchhe 10, Ministry of Housing & Urban Affairs in a pek avangin lawmthu a sawi a. 10% GBS leh RDSS hnuaia Mizoram Sawrkarin Project Proposal a thehluh te leh kawlpheethaa Mizoram hmasawnna tur hrang hrangte a sawipui bawk a ni.

<><><>

UNION MOS WCD

Union Minister of State for Women & Child Development Pi Savitri Thakur chuan Mizorama Sawrkar hmalaknate thlithlai turin ni 3 cham turin vawiin khan Aizawl a rawn thleng a,

Pi Sivatri Thakur hian vawiin khan Durtlanga Women & Child Development hmalaknaa hmeichhe dinhmun tleu leh harsatna hrang hrang tawk mekte leh naupang fahrah leh chanhai te puala din, Observation Home, One Stop Centre, Special Home, Shakti Sadan leh hmun dangte a tlawh nghal a ni.

Vawiin tlai khan Aijal Club-ah Women & Child Development scheme hnuaia hnathawh hrang hrang review meeting a hmanpui a.

Meetingah hian Social Welfare, Women & Child Development Minister Pi Lalrinpuii chuan thu sawiin Mizoram chhungah Anganwadi 2,244 te tha taka kalpui mek a nih thu a sawi a. Poshan tracker atana hman tur kum 2018 a pek tawh smartphone leh growth monitoring device te chu a rei tawh avanga thlak a ngaih tawh thu a sawi a. Empowerment of Women Hub a thawktu thahnemngai taka hna thawk mek te hlawh punna tur inkaihhruaina a awm loh avangin ennawn sak turin Union Minister of State chu a ngen a. Mission Vatsalya pawh tluang taka district zawng zawnga tha taka kalpui a nih thu a sawi a, Child Care Institutiona naupang zawng zawng te Mizoram Health Care Scheme a ziahluh vek an nih thu a sawi a ni.

Byte of Pi Lalrinpuii.....

Union Minister of State hian naktukah Khawzawl leh Champhaia Women & Child Development hnathawh hrang hrang bakah department hmun pawimawh te tlawh dawn a ni.

<><><>

PADMA SHRI

Pu R. Lalrawna, Aizawl Electric Veng chuan President Droupadi Murmu hnen atangin Padma Shri Award a dawng a, Literature and Education huangah chaimawina hi a dawng a ni.

Kum 85 mi Pu R. Lalrawna hi thu leh hla lama a thawh hlawk avangin Padma Shri hi dawng tura thlan a ni a, Ministry of Home Affairs chuan Padma Award chi thum dawng turte chu January ni 25 zan khan a tichhuak a, Padma Vibushan dawng turin mi pasarih, Padma Bhusan dawng turin mi 19 leh Padma Shri dawng turin mi 113 thlan an ni.

Pu R. Lalrawna chuan Akashvani News Aizawl nen an inkawmna ah Padma Award dawn chu chawimawina ropui tak anih thu sawiin amah thlangtute chungah lawmthu a sawi a, a rin loh lama chawimawina a dawng tur chu a lawm thu a sawi.

(BYTE)

Pu R. Lalrawna hi ziakmi niin lehkhabu eng emaw zat a tichhuak tawh a, thu leh hla lama a thawh hlawk avanga chawimawina dawn zingah Bhasav Samman Award (Sahitya Akademi) pawh a tel a, A lehkhabu ziah zinga Khawnglung Rûn chu Matric zirlai ah hman mêk niin lehkhabu lehlin Davida chu Translation Book of the Year atan thlan a ni bawk.

<><><>

TIRANGA YATRA

Vawiin khan Kolasibah hnam puanzar nen a kawng zawhna hun “Tiranga Yatra” hman a ni a. He hunah hian Ex Servicemen, zirlaite leh department hrang hrang hotuten ten hnam puanzar kengin Kolasib DC Office atanga Diakkawn kawn thleng kawng an zawh.

He Tiranga yatra hi Kolasib District Civil Defence committee ina a rel tawh bawhzuina a ni a. Kolasib DRDO Project Director Pu Lalmuan Puia chuan hawngin India ram chu Pakistan nen an buaina ah hnehna changtu a nihzia te leh India ram chu remna leh muanna duh, amaherawhchu a mipuite himna atan chuan tiam chin awm lova ke pen ngam a nih thu sawiin, ram leh hnam tana huaisen taka ding zel turin kalkhawmte chu a chah a ni.

Diakkawn kawn laiah DC Pu Robert C Lalhmangaiha pawh thusawiin India ram venhimna atana an sipaite inpekna te hria a zirlai naupang kalkhawmte pawh ram chhan nana mi huaisen leh hlawhtling ni turin a chah a. Operation sindoor a hnehna chu India mi zawng zawngte tan hnehna a ni, a ti a, ram tana engtiklai pawh a huaisen taka awm reng a pawimawh a ni, a ti. DC chuan kalkhawmte chu India ram mai nilo, Mizoram leh khawtlang leh kohhran tana mi tangkai leh hlawhtling ni tura a duhthusam thu sawiin, hmalam pana ke pen zel a pawimawh a ni, a ti.

Kawng zawhna ah hian Subedar Major & Honorary Captain Lalengliana, Kolasib District Ex-Servicemen League President in kalkhawmte aurinna hmanga kaihruaiin, Vande mataram, victory to our motherland tihte leh jai hind tia au rual a ni.



MIZORAM BLIND TEAM WINS

Indian Blind Football Federation (IBFF) buatsaih, North-east Zonal Blind Football Championship vawiina Guwahati-a neih zawh takah khan Mizo hmeichhe team an champion.

Mizo hmeichhe team te hian group match atangin hnehtu vawikhat mah an tawng lo va, final match-ah pawh 3-0-in Assam hnehin champion lai dinhmun an humhim a ni.

He tournament-ah hian Mizoram team Captain Eleen Chorei chu top scorer & Player of the tournament a ni a, nikum lama top scorer leh Player of the Tournament a nihna pawh a humhim tel bawk a ni. A ni bakah Final match laka goal 1 khung tu Lalhriatzuali, West Serzawl pawh emerging player atana thlan a ni a, Lalhriatzuali nuta hi kumin kum tir lama National Para Judo Championship a gold medal la tu kha a ni .

Hmeichhe team te hi national championship khel thei turin an inhlangkai nghal a, naktukah Aizawl lo haw turin an inbuatsaih a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



CCEA ON MSP

Cabinet Committee on Economic Affairs chuan Kharif crop chi 14-ah Minimum Support Price tihsan a remti. New Delhi-a chanchinbumite kawmin Union Information and Broadcasting Minister Ashwini Vaishnaw chuan loneituten hlawk zawka an thlai an hralh theih nan Kharif Crop-a MSP tihsan hi a rel a ti a. Hei bakah hian Union Cabinet chuan Maharastra leh Madhya Pradesh tan rel kawng thar siamna tur project a pawm bawk tih a sawi a. Heng project atan hian cheng vaibelchhe 3399 ruahman niin kum 2029-30 hmain zawh fel tum a ni ang.

Cabinet Committee on Economic Affairs hian Andhra Pradesh NH(67)-a 4-Lane Badvel-Nellor Corridor siamna tur a pawm bawk a. Cheng vaibelchhe 3653.10 sengin km 108.134 thui siam a ni ang.

<><><>

PM

Prime Minister Narendra Modia chuan naktuk hian ni hnih chamin Sikkim, West Bengal, Bihar leh Uttar Pradesh te a tlawh dawn a. A cham chhungin hmasawna hna thawh project cheng vaibelchhe 70,000 chuang man a hawng ang.

<><><>

DELEGATES

JD(U) MP Sanjay Jha-a kaihhruai All-Party Parliamentary Delegation team te chuan vawiin khan Indonesia-a Jakarta khawpui an thleng a. India-in firfiakte lakah ngaihnathiamna a nei dawn loh thu an puangzar mek a. Indonesia hma hian Japan, South Korea leh Singapore te an tlawh tawh a. Heng an kalnaah hian Pakistan-in firfiakte a thlawp thin an duhloh zia an sawi a ni. Sanjay Jha kaihhruai teamte hian vawiin khan Inter-Parliamentary Cooperation Group Committee Vice-Chairperson Muhammad Rofiqi an kawm a. Indonesia lam hotute pawhin firfiaka chetna an dem thu an sawi bawk a ni. Shiv Sena MP Shrikant Shinde-a kaihhruai team te pawhin vawiin khan Republic of Congo an tlawh zawh hnuin Sierra Leone an pan lehnghal a. BJP MP Ravi Shankar Prasad-a team te pawhin vawiin khan Rome khapwui an thleng a. Congress MP Shahshi Tharoor-a team te pawhin Panama an thleng tawh a. Panama Assembly President Dana Castaneda an kawm nghal a ni.

<><><>